

H I B E R N I A.

risdictionem, five auctoritatem, comitatum & apparatus spectes, accedat. Illi in consilio ad-sunt regni Cancellarius, regni Thesaurarius, & alii ex Comitibus, Episcopis, Baronibus & Iudicibus qui sunt à sanctiori consilio. Nam eosdem plane Ordines habet Hibernia, quos Anglia, scilicet Comites, Barones, Equites auratos, Armigeros, &c.

Fora, five
tribunalia
Hiberniæ.

Summum Regni Hiberniæ forum est *Parlamentum*, quod pro regis Angliæ arbitrio à Prorege indicitur, & dissolvitur. Iuridici etiam conventus quatuor, ut in Anglia, quotannis habentur, & quinque sunt Tribunalia, videlicet *Camera stellata*, *Cancellaria*, *Bancus regius*, *Bancus communium placitorum*, & *Scaccarium*, five *Fiscus regius*. Sunt etiam *Iustitii assisarum*, nisi prius, ad audiendum & determinandum, prout in Anglia, & *Irenarchæ* in singulis Comitibus ad pacem conservandam. Rex etiam habet suum ad legem servientem, Procuratorem five *Attornatum generalem* & *Sollicitatorem*. Sunt etiam in provinciis remotioribus ad jus dicendum *Gubernatores*, ut qui in *Connachtia* *Primarius Commissionarius*, in *Momoniam* *Præses* dicitur, & suos habent *Adfessores* è Nobilibus & *Iurisperitis*, qui tamen singuli Proregis nutum respiciunt. Legibus vero iisdem communibus five municipalibus, quibus utitur Anglia, administratur Hibernia. Præter civiles autem hoscæ *Magistratus*, militarem etiam habet unum, scilicet *Marescallum*, qui admodum hic usui est tam ad militum quoad ad rebellium, qui subinde negotium fecerunt, insolentiam coercendam. *Marescallus* autem suum sub se habet *Submarescallum* (*Provoft Marescall* vocant) & aliquando plures, pro rerum & temporum difficultate, qui suam circumscriptam sub magno Hiberniæ sigillo cum instructionibus exercent auctoritatem. De ratione jus administrandi inter agrestiores & silvestres illos suo loco paucula subtexam.

Hibernia
diviso.

Hibernia ex incolarum moribus in duas dividitur partes, qui enim legibus teneri recusant, & incultius vivunt, *Irishie*, & vulgo *Wilde*

Irish, id est, *Sylvestres Hibernici*: qui vero cultiores legum potestatem sanctam habent, & iudiciis se listunt *Anglo-Hibernici* dicuntur, & eorum regio *The English Pale*, quoniam primi qui adven-runt Angli quosdam sibi limites in Orientali & fœcundissima insulæ parte circumscripserunt, intra quos & hodie sunt, qui incultius vivunt, minusque legibus parent, ut extra alii, in quibus nihil ad humanitatis cultum desideres. Sed ut antiquiora spectemus, ex situ, seu potius, *Rectorum* quondam numero, quinque continet portiones (*Pentarchia* enim olim erat) *Momoniam* videlicet ad Austrum, *Lageniam* ad Ortum, *Connachtiam* ad Occasum, *Ultoniam* ad Septentriones, & *Mediam* in ipso fere medio. Quæ ad civilem administrationem ita in Comitatus dividuntur. In *Momoniam* sunt Comitatus *Kerry*, *Desmond*, *Cork*, *Waterford*, *Limirick*, *Tipperary*, cum Comitatu *Sanc-tæ Crucis*. In *Lagenia* Comitatus sunt *Kilkenny*, *Caterloug*, *Queenes County*, *Kings County*, *Kildare*, *Weishford*, *Dublin*. In *Media* Comitatus *East Meath*, *West Meath*, *Long-ford*. In *Connachtia* Comitatus *Tromund*, *Galloway*, *Maio*, *Slego*, *Letrim*, *Roscoman*. In *Ultonia* Comitatus *Louth*, *Cavan*, *Fermanagh*, *Monaghan*, *Armagh*, *Doun*, *Antrim*, *Colram*, *Tir-oen*, *Tir-conell* five *Donegall*.

Res Ecclesiastica Hiberniæ ab Episcopis olim administrata fuit, quos vel *Archiepiscopus Cantuariensis*, vel ipsi se consecrarunt. Anno autem 1152, ut apud Philippum Flatesbury legitur, *Christianus Episcopus Lismoriensis* totius Hiberniæ *Legatus Concilium* celeberrimum apud *Mell* celebravit, cui interfuerunt *Episcopi*, *Abbates*, *Reges*, *Duces*, & *Majores natu* Hiberniæ. In quo auctoritate Apostolica, consilio *Cardinalium*, & consensu *Episcoporum*, *Abbatum* & aliorum ibidem consistentium, quatuor *Archiepiscopatus* in Hibernia constituit, videlicet, *Armachanum*, *Dubliniensem*, *Castiliensem* & *Tuomensem*. Quorum primo, totius Hiberniæ *Primate*, suberant *Episcopatus* novem: secundo quinque; tertio duodecim, quarto undecim.

Ecclesiasti-
ca Iurisdic-
tio.

